

শহীদ জিয়ার ২৮তম শাহাদাতবার্ষিকী উপলক্ষে বিএনপি অষ্ট্রেলিয়ার উদ্যোগে মিলাদ ও আলোচনা সভা অনুষ্ঠিত

বাংলাদেশ জাতীয়তাবাদী দলের প্রতিষ্ঠাতা ও সাবেক রাষ্ট্রপতি শহীদ জিয়াউর রহমানের ২৮তম শাহাদাত বার্ষিকী উপলক্ষে গত ৩১শে মে রবিবার সিডনির বেলমোর কমিউনিটি সেন্টার মিলনায়তনে বিএনপি অষ্ট্রেলিয়ার উদ্যোগে এক মিলাদ মাহফিল ও আলোচনা সভা অনুষ্ঠিত হয়। এতে সভাপতিত্ব করেন বিএনপি অষ্ট্রেলিয়ার সভাপতি ড.আব্দুল ওয়াহাব। আলোচনা সভায় বিভিন্ন বক্তারা বলেন, শহীদ



রাষ্ট্রপতি জিয়াউর রহমান বাংলাদেশকে স্বাভাবিক, স্বনির্ভর ও গণতান্ত্রিক রাষ্ট্র হিসেবে বিশ্বের দরবারে তুলে ধরেছিলেন। বক্তারা শহীদ রাষ্ট্রপতি জিয়াউর রহমানের সততা, স্বপ্ন, ত্যাগ ও স্বনির্ভর বাংলাদেশ গড়ার বিভিন্ন দিকগুলো নিয়ে আলোচনা করেন। তারা বলেন, দেশের স্বাধীনতা সার্বভৌমত্ব ও গণতন্ত্র

আজ হুমকির মুখে। তাই সকলকে ঐক্যবদ্ধ হওয়ার আহ্বান জানিয়ে বলেন, শহীদ জিয়ার স্বপ্ন কে বাস্তবায়নের জন্য বিএনপির চেয়ারপারসন বেগম খালেদা জিয়ার হাতকে শক্তিশালী করতে হবে।

আলোচনা সভায় অন্যান্যদের মধ্যে বক্তব্য রাখেন মনিরুল হক জর্জ, এ কে এম শামসুজ্জামান, লিয়াকত আলী স্বপন, লুৎফুল কবির, ড. অলিউল ইসলাম, নাসিম হোসাইন, মেজর (অব:) আব্দুল মান্নান, ফজলুল হক শফিক, ইকবাল জুয়েল, এ্যাডভোকেট মোবারক হোসেন, ইউসুফ শামিম, আবুল হোসাইন, আক্তারুজ্জামান, আব্দুল্লা হাব্বুনী, আরিফুল হক খাদেম প্রমুখ। আলোচনা সভার পর শহীদ রাষ্ট্রপতি জিয়াউর রহমানের রুহের মাগফেরাত, কোরআন তেলোয়াত, মিলাদ ও দোয়া অনুষ্ঠিত হয়।

মিলাদ মাহফিল ও আলোচনা সভায় সিডনির বিশিষ্ট ব্যক্তিবর্গ, সাংবাদিক, রাজনীতিবিদসহ বহু গণ্যমান্য ব্যক্তিবর্গ উপস্থিত ছিলেন। অনুষ্ঠানটি পরিচালনা করেন বিএনপি অষ্ট্রেলিয়ার সাধারণসম্পাদক ডা. জাহিদুল ইসলাম।

রিপোর্ট এবং ছবি আবুল হাসান